

RAKAMAN DETIK BERSEJARAH

Majalah 3 siar dokumentari khas Pertabalan Yang Di-Pertuan Agong ke-17 dalam suasana penuh tradisi



Saksikan detik istimewa daripada seorang pemerintah Johor kepada Ketua Negara Malaysia ke-17 menerusi program dokumentari khas Majalah 3, 'Pertabalan Yang di-Pertuan Agong Ke-17' secara eksklusif pada hari ini jam 9 malam di TV3 dan www.tonton.com.my

Kebawah Duli Yang Maha Mulia Seri Paduka Baginda Yang Dipertuan Agong Sultan Ibrahim ibni Almarhum Sultan Iskandar melafaz dan menandatangani Surat Sumpah Jawatan sebagai Yang di-Pertuan Agong ke-17 pada 31 Januari lalu.

Istiadat pertabalan KDYMM Seri Paduka Baginda sebagai Ketua Tertinggi Negara disempurnakan dalam suasana penuh tradisi berserta adat istiadat Raja-Raja Melayu di Istana Negara pada 20 Julai lalu.

Dokumentari khas berdurasi satu jam ini merakamkan detik bersejarah sepanjang persiapan KDYMM Seri Paduka Baginda Sultan Ibrahim menaiki takhta sebagai Yang di-Pertuan Agong ke-17.

Ia bukan sahaja menjadi tumpuan

seluruh rakyat Malaysia, malahan turut disaksikan oleh masyarakat antarabangsa.

Lebih istimewa, program ini turut berkongsi secara eksklusif kisah mengenai gaya hidup dan kehidupan peribadi Sultan Ibrahim serta hubungan Baginda dengan keluarga dan rakyat jelata melalui temu ramah pegawai istana dan sahabat rapat Baginda, sekali gus memberi gambaran unik mengenai keperibadian dan nilai-nilai murni Baginda.

Rakyat Malaysia akan turut berpeluang menyaksikan momen membanggakan mengenai KDYMM Seri Paduka Baginda Sultan Ibrahim, dengan mengenali lebih dekat peranan dan tanggungjawab termasuk pencapaian serta inisiatif yang dilakukan Baginda sebagai Sultan melalui Kembara Mahkota Johor (KMJ) sejak 2001, sebuah program yang bertujuan mendekatkan Baginda dengan rakyat jelata di setiap pelosok negeri Johor.

Baginda sentiasa mengutamakan rakyat bangsa Johor khususnya, dengan menyelesaikan segala isu yang dihadapi oleh mereka

menerusi lima yayasan yang ditubuhkan dengan peruntukan kewangan dikeluarkan oleh Baginda sendiri.

Penonton juga berpeluang untuk melihat sisi lain Baginda di luar tugas rasmi sebagai Sultan.

Jangan lepaskan peluang menyaksikan dokumentari khas yang pastinya penuh dengan momen bersejarah dan inspirasi, jam 9 malam ini di TV3 dan strim melalui www.tonton.com.my.

Episod eksklusif ini diterajui oleh Mohd Said Abdullah Thani selaku Penerbit Eksekutif Kanan, bersama Penerbit, Nurul Syafikah Abd. Masri dan wartawan Nor Farah Nadira Zamri.

Wartawan pelatih yang turut terbabit ialah Muhammad Aiman Zamel, Nur Shahera Afiqah Mohd Tamizi dan Wan Nur Afiqah Saifulrizal.



WARNA-warni perjalanan Seri Paduka Baginda sebelum menjadi Yang Di-Pertuan Agong ke-17.



SULTAN Ibrahim jadi tumpuan seluruh rakyat Malaysia dan dunia di majlis pertabalan.